



Rimnada sistemática da dretg communal dalla Vischnaunca da Sagogn

Nummera **0120.01**

Tetel **Lescha da salarisaziun**

Ediziun Revisiun dils 18.02.2024
Ediziun dils 24.11.2020

Revisiun dils 15.06.2016
Ediziun dils 21.08.2012
Ediziun dils 05.09.1991

Valeivel 20.03.2024

Remarcas preliminaras

Ord motivs da simplificaziun serefereschan indicaziuns da persunas, funcziuns e mistregns en questa publicaziun uffiziala mintgamai sin tuttas schlatteinas, expriu sch'igl ei stipulau explicit zatgei auter.

Davosa correctura informala 21.03.2024 tras Thomas Candrian

Cuntegn

I. General	3
II. Conlucers	3
III. Funcziunaris - Fixums	4
IV. Funcziunaris - Indeminsaziuns	5
V. Divers	6
VI. Determinaziuns finalas	6

I. GENERAL

Intent

Art. 1

¹ Questa lescha da salarisaziun normescha la salarisaziun e l'indemnisaziun da tuttas autoritads e cumissiuns communalas sco era da tuts emploiai dalla vischnaunca.

II. CONLUVRERS

Persunal dalla vischnaunca

Art. 2

¹ Emploiai e luvrers da vischnaunca vegnan engaschai entras la suprastanza communal. Lezza fixescha a caschun digl engaschament l'altezia dalla salarisaziun.

² La suprastanza communal fixescha mintgamai alla fin digl onn l'altezia dalla indemnisaziun per igl onn proxim.

³ Persunal temporar vegn engaschus dalla suprastanza communal, la quala fixescha era la salarisaziun.

Reglement da personal

Art. 3

¹ Per tut ils emploiai e luvrers dalla vischnaunca en piazza ferma vala il reglement da personal dalla vischnaunca.

² La suprastanza relai il reglement da personal.

III. FUNCZIUNARIS - FIXUMS

Principi

Art. 4

¹ El fixum ein cumpri tuts engaschis che seresultan ord la preparaziun e deliberaziun dallas fatschentas ordinarias sco era la preparaziun dallas sesidas ed il menar talas dalla suprastanza e da tuttas cumissiuns, era temporaras. Igl engaschi per las radunonzas communalas ei cumprius.

Suprastanza communal

Art. 5

¹ Ils commembers dalla suprastanza retrain il suadont fixum annual:

- a) Il president communal vegn indemnissaus fix cun 30% dil minimum dalla classa 20 dil cantun grischun. Ils onns da survetsch vegnan buca quintai.
- b) Auters commembers dalla suprastanza vegnan indemnissai fix cun 5% dil minimum dalla classa 20 dil cantun grischun. Ils onns da survetsch vegnan buca quintai.

² La suprastanza ei competenta da reparter ils fixums auter sin ils suprastonts, sche la lavur da suprastont ei buc repartgida egualmein e tut ils suprastonts ein d'accord. La summa totala dils fixums astga buc vegnir surpassada entras quei.

Cumissiun da gestiun

Art. 6

¹ Il president dalla cumissiun da gestiun retscheiva in fixum da frs. 500.-.

IV. FUNCZIUNARIS - INDEMINSAZIUNS

Principi

Art. 7

¹ Ils commembers dalla suprastanza e da tuttas cumissions, era temporaras, vegnan indemnissai tenor suandonts artechels 8 – 10.

² Ils pumpiers vegnan sulet indemnissai tenor la lescha da pumpiers.

Daner da sesida

Art. 8

¹ Il daner per ina seduta ordinaria munta sin 70.-.

² Per uatgas, sedutas extraordinarias e representaziuns dalla vischnaunca ordeifer che cuozzan meins che duas uras vegn pagau il daner da seduta.

³ Surpassa il temps d'engaschi duas uras ed en tuts auters cass vegn indemnissau tenor artechel 9.

Schurnadas

Art. 9

¹ Las schurnadas muntan a frs. 35.- per ura.

² En cass extraordinaris sa la suprastanza communal alzar las schurnadas per tochen 40%.

Spesas

Art. 10

¹ Il president retscheiva (per telefon, internet, biro, pintgas representaziuns enteifer la vischnaunca) ina pauschala da spesas da frs. 2'000.-, il suprastont ina da frs. 500.-.

² Per tut funcziunaris dalla vischnaunca tenor art. 7 valan las perscripziuns dil reglement da personal pertuccont spesas.

³ Vegnan spesas indemnissadas d'autras varts, astgan ellas buca vegnir quintadas aunc inagrada alla vischnaunca.

V. DIVERS

Protocollist

Art. 11

¹ Il protocollist dalla suprastanza, digl cussegl scola e da tuttas cumissiuns, era temporaras, obtegn ina indemnizaziun da frs. 50.- per protocol, aschinavon ch'il protocol vegn fatgs en survetsch accessori.

Lavur cumina

Art. 12

¹ L'indemnizaziun dalla lavur cumina munta a frs. 30.- per ura.

VI. DETERMINAZIUNS FINALAS

Quen

Art. 13

¹ Per lavurs, fixums, indemnizaziuns e spensas ei d'emplenir ora ils formulars da lavur ni da spensas dalla vischnauca. Igl ei da nudar la sparta administrativa, la lavur prestada e las uras.

² Il quen vegn controllaus e visaus dil cau dil departement responsabel, dil parsura dalla cumissiun corrispudenta, ni dil president communal.

³ Il formular per fixums, indemnizaziuns e spensas ha da vegnir inoltraus alla canzlia communal sil pli tard treis jamnas avon fin dil semester (30.06/31.12). El vegn pagaus ora tochen la fin dil meins.

Absenza dil post

Art. 14

¹ En cass ch'in funcziunari ei impediud da siu post per dapli che 60 gis sa il fixum vegnir pagaus pro rata a siu substitut.

Cass dispiteivels

Art. 15

¹ En cass dispiteivels decida la suprastanza davart dall'indemnizaziun.

² Il recuors alla cumissiun da gestiun encunter talas decisiuns ei pusseivels.

Ulivaziun dalla
carischia

Art. 16

¹ L'ulivaziun dalla carischia succeda entras la suprastonza communal, aschigleiti ch'igl index naziunal diils prezis da consum (basa december 2010 = 100 puncts) semida per pli che 10 puncts.

Entrada en vigur

Art. 17

¹ Questa lescha passa en vigur cun l'approbaziun dalla radunonza communal.

² Cun l'entrada en vigur da questa lescha ein tuttas disposiziuns dil dretg communal che stattan en cuntradicziun cun ella abrogadas.

Ediziun approvada dalla Suprastonza communal ils	-
Ediziun approvada dalla Radunonza communal ils	20.03.2024
Ediziun approvada dalla Regenza dil cantun GR ils	-